

植物名實圖考

植物名實圖考卷之十八

固始吳其濬著

蒙自陸應穀校刊

水草類

澤瀉

菖蒲

香蒲

水萍

蘋

海藻

羊蹄

酸模

陟釐

石髮

昆布

菰

蓴

苔菜

蘼草

紫菜

海藻

海帶

鹿角菜

石花菜

藻

水豆兒

黑三棱

水胡蘆苗

磚子苗

魚囊草

水粟草



澤瀉

澤瀉本經上品救荒本草謂之水薺菜葉可燃食撫州志臨川
產澤瀉其根圓白如小蒜



本草名實圖
菖蒲

菖蒲本經上品石菖蒲也凡生名山深僻處者一寸皆不止九節今人以小盆蒔之愈剪愈矮故有錢蒲諸名

雋婁農曰沈存中謂蓀卽今菖蒲而抱朴子謂菖蒲須得石上一寸九節紫花尤善菖蒲無花忽逢異萼其可遇不可必得者耶然平泉草木記又謂茅山谿中有谿蓀其花紫色則似非靈芝天花神仙奇藥矣若如陶隱居所云谿蓀根形氣色極似石上菖蒲而葉如蒲無脊俗人誤呼此爲石上菖蒲按其形狀乃似今之吉祥草不入藥餌沈說正是隱居所謂俗誤而抱朴子

乃併二物爲一彙耶離騷草木疏引証極博不無調停詩人行吟徒揣色相仙人服餌尤務詭奇隱居此注似爲的矣





香蒲

香蒲本經上品其花爲蒲黃俗名蒲棒唐本草注根可蘊者爲香蒲菖蒲爲臭蒲李時珍謂香蒲有脊而柔泥菖蒲根大節白而疎水菖蒲根瘦節赤稍密卽溪蓀云

雩婁農曰蒲槌怒擎池中物耳而本草以爲香楚詞豈獨叙夫蕙茝舊說皆以茝爲白芷獨草木疏據說文楚離晉葛齊茝之說以爲卽莞苻離乃莞蒲也然則蒲爲香草信矣出汗不染沁粉屑金蠅之蓮芰芝蘭縱不隣其發越亦當結此幽貞吳氏之說獨標穎異故不糠粃其言




水萍

水萍本經中品爾雅萍萍其大者蘋吳普本草始別出蘋卽俗呼田字草

蘋


木

水草卷之十八



蘋

蘋四葉合成一葉如田字形或以其開小白花因呼白蘋或謂生水中者爲白蘋生陸地者爲青蘋水生者可茹云



海藻

海藻本經中品爾雅蘩海藻注如亂髮生海中蓋卽俗呼頭髮菜之類又拾遺有海蘊蘊訓亂絲亦其類也